



NEWSLETTER BR. 21

JULI 2016

SADRŽAJ

FIPA AKTIVNOSTI ≡

- » FIPA i ALFA INVEST : Zajednički rad na realizaciji italijanske investicije od 150 miliona eura
- » Sastanak FIPA-ITA: Zajednička suradnja na realizaciji outreach kampanje u Italiji
- » Ambasada SAD-a i USAID se uključuju u promotivnu kampanju „Invest in BiH“
- » FIPA na Pariškom samitu
- » Susret Milinić-Bojić-Kurz : Austrija će i dalje ostati najveći strani investitor u BiH
- » Direktor FIPA-e i italijanski ambasador: „Velika italijanska investicija startuje 19. jula“
- » FIPA učestvovala na poslovnom događaju „Gospodarski dan BiH u Frankfurtu“

POSLOVNE VIJESTI ≡

FIPA AKTIVNOSTI ≡



FIPA I ALFA INVEST : ZAJEDNIČKI RAD NA REALIZACIJI ITALIJANSKE
INVESTICIJE OD 150 MILIONA EURA



FIPA NA PARIŠKOM SAMITU



...I JOŠ FIPA AKTIVNOSTI...



DIREKTOR FIPA-E SUSREO SE SA ŠVICARSKIM INVESTITORIMA KOJI POSLUJU U BIH



Agencija za unapređenje stranih investicija u BiH (FIPA) i firma Alfa Invest su organizirali 19. jula u Sarajevu prezentaciju "Projekta energetske efikasnosti primjenom kogeneracije iz biomase" sa ciljem povećanja italijanskih investicija u BiH, a samim tim i poboljšanja ekonomske situacije u zemlji i otvaranja novih radnih mjesta. Riječ je o projektu vrijednosti 150.000.000 eura koje je italijanska firma Pyrox spremna uložiti u 40 općina u BiH. Veliki broj općina je iskazao zainteresiranost za ovaj projekat, jer bi svaka od njih na osnovu biznis plana trebalo da zarađuje milion eura godišnje i zaposli 25 novih radnika.

Italijanski Pyrox posjeduje svoju vlastitu tehnologiju za proizvodnju električne i toplotne energije na bazi čvrste biomase, a koja se može koristiti za zagrijavanje domaćinstava, plastenika, i drugih objekata. Predstavnici Pyroxa i predstavnici općina u BiH će nastaviti razgovore o modelima suradnje na realizaciji spomenutog projekta.

Skup je okupio veliki broj načelnika i predstavnika općina u BiH, nadležnih institucija BiH, entiteta, kao i predstavnike Pyroxa, FIPA-e, VTK, Privredne komore FBiH, FIC-a, i druge.



SASTANAK FIPA-ITA: ZAJEDNIČKA SURADNJA NA REALIZACIJI OUTREACH KAMPANJE U ITALIJI



Direktor Agencije za unapređenje stranih investicija u BiH (FIPA) Gordan Milinić i Massimo Sessa direktor Ureda Agencije za trgovinu Italije (ITA) u Sarajevu razgovarali su o mogućnostima zajedničke suradnje na pronalasku italijanskih investitora koji bi investirali u Bosnu i Hercegovinu, realizaciji outreach kampanje (direktne posjete firmama) kojima bi bili prezentirani bh. ciljni projekti i mogućnosti za ulaganje.

Na sastanku je dogovoreno da se odaberu dva ili tri ključna bh. privredna sektora koja bi bila prezentirani italijanskim investitorima u čijem će pronalasku učestvovati ITA.

G. Sessa je prenio zainteresiranost italijanske firme Gruppo Todini za infrastrukturne projekte u BiH.

Također je zatražena i podrška ITA-e u realizaciji kampanje „Invest in BiH“ koja bi trebala podrazumijevati snimanje nekoliko novih promotivnih spotova o određenim privrednim sektorima u BiH, te njihovo prezentiranje u sredstvima javnog informisanja nekoliko ciljnih zemalja od kojih očekujemo veći priliv stranih ulaganja.



AMBASADA SAD-A I USAID SE UKLJUČUJU U PROMOTIVNU KAMPANJU „INVEST IN BIH“



Na sastanku u Agenciji za unapređenje stranih investicija u BiH (FIPA), predstavnicima ambasade SAD u BiH prezentiran je plan realizacije kampanje „Invest in BiH“ koja je osmišljena sa ciljem poboljšanja imidža i percepcije Bosne i Hercegovine kao pogodne lokacije za ulaganja.

Na sastanku su prisustvovali i predstavnici USAID-a od kojih je zatražena finansijska podrška projekta o čemu će se dodatno razgovarati u narednom periodu.

Ovom prilikom je istaknuta spremnost ambasade i USAID-a da podrže navedeni projekat.



FIPA NA PARIŠKOM SAMITU



FIPA je u okviru delegacije BiH na Trećem samitu Zapadnog Balkana u Parizu učestvovala na Poslovnom forumu o zapadnom Balkanu, na kojem je razmatrana poslovna klima i provođenje reformi za podsticanje stranih investicija, posebno u oblasti transportne infrastrukture, energetike, ekologije i digitalne tehnologije.

U okviru foruma, predstavnici FIPA-e su uspostavili veliki broj kontakata sa kompanijama iz EU sa kojima se održali sastanke sa ciljem da se njihove investicije usmjere ka Bosni i Hercegovini. Razgovori o mogućnostima ulaganja će se nastaviti u Bosni i Hercegovini s obzirom da će određeni broj firmi uskoro posjetiti FIPA-u.

Interes za mogućnosti investiranja u Bosni i Hercegovini posebno su ispoljile kompanije „Akuoenergy“ Pariz, u oblasti energetike, „Proparco“ Pariz u oblasti energije, ekologije upravljanja vodom i otpadom, „OTV Veolia“ Sent Moris u oblasti tehnologija voda, „COLAS“ iz Beča u oblasti izgradnje putne infrastrukture, „Lemonway“ iz Montreila u oblasti digitalne tehnologije, „EDF“ iz Pariza u oblasti energetike, itd.



SUSRET MILINIĆ-BOJIĆ-KURZ : AUSTRIJA ĆE I DALJE OSTATI NAJVEĆI STRANI INVESTITOR U BIH



Direktor Agencije za unapređenje stranih investicija BiH (FIPA) Gordan Milinić i predsjednik Vanjskotrgovinske komore BiH (VTK) Bruno Bojić u neformalnom susretu u Beču sa ministrom vanjskih poslova Austrije Sebastianom Kurzom dobili su uvjerenja da će Austrija i dalje ostati najveći strani investitor u BiH i da će učiniti dodatne napore kako bi se povećao obim novih austrijskih investicija u Bosni i Hercegovini.

Ministar Kurz je u tom cilju najavio i posjetu FIPA i VTK prilikom sljedećeg boravka u Sarajevu.

Direktor Milinić je obećao podršku Agencije, kao glavne adrese za strana ulaganja u BiH, svakom investitoru počev od procesa registracije firme do okončanja investicije, kao i za sva pitanja vezana za mogućnosti ulaganja i raspoloživost investicijskih projekata u BiH.



DIREKTOR FIPA-EI ITALIJANSKI AMBASADOR: „VELIKA ITALIJANSKA INVESTICIJA STARTUJE 19. JULA“



Direktor Agencije za unapređenje stranih investicija u BiH (FIPA) Gordan Milinić razgovarao je sa ambasadorom Italije u BiH N.J.E. Ruggerom Corriasom o pripremama za veliku italijansku investiciju u BiH koja startuje 19. jula u Sarajevu, sastankom između predstavnika italijanske firme Pyrox i predstavnika 60 općina u BiH. Italijanska kompanija „Pyrox“ planira ulaganje oko 150 miliona eura u projekte kogeneracije na drvenu biomasu u BiH. U svakoj općini gdje se projekat realizira biće zaposleno 25 radnika, a prema biznis-planu godišnja dobit u svakoj općini bi iznosila oko milion eura.

FIPA i Ambasada Italije u BiH će pružiti svu potrebnu pomoć i investitorima i općinama sa ciljem brže realizacije investicija. Na sastanku je također bilo riječi o godišnjem poslovnom forumu Centralno- europske inicijative koji će se održati 26. novembra u Sarajevu i koji će okupiti značajan broj investitora iz zemalja članica inicijative, uključujući italijanske investitore, koji su po riječima ambasadora, zainteresirani za tekstilnu, drvenu i metalnu industriju BiH, kao i za energetske projekte iz oblasti alternativne energije.

Ambasador Corrias je u potpunosti podržao provođenje aktivnosti FIPA na realiziranju direktnih posjeta italijanskim investitorima. Agencija je planirala, uz angažman Privredne komore Italije, posjetiti do kraja godine zainteresirane kompanije u Italiji kako bi im predstavila mogućnosti za ulaganje u BiH.



FIPA UČESTVOVALA NA POSLOVNOM DOGAĐAJU „GOSPODARSKI DAN BiH U FRANKFURTU“



Pod pokroviteljstvom Hrvatskog člana predsjedništva BiH Dragana Čovića, u organizaciji Hrvatskog privrednog saveza u Njemačkoj 1. jula 2016.g., održan je „Gospodarski dan BiH“ u Frankfurtu.

Okupljenim predstavnicima, u pozdravnom govoru obratili su se dr. Dragan Čović, g. Manfred Pentz i organizator g. Mario Šušak, predsjednik Hrvatskog privrednog saveza. Prezentacijom „Instrumenti ulaganja i finansiranja u BiH za njemačka poduzeća“ Blaženka Mišković, zamjenica direktora FIPA-e je predstavila između ostaloga instrumente finansiranja za njemačka preduzeća u BiH, potencijale za investiranje, ukupne investicije i značaj njemačkih preduzeća u BiH koja ostvarenu dobit reinvestiraju i šire poslovne aktivnosti kroz uspješne priče njemačkih firmi koje posluju u BiH. Naglašena je činjenica kako investitori iz BiH ne odlaze i kako prema podacima dobivenim kroz program Postinvesticijske podrške oko 80% postojećih investitora planira reinvestirati dobit, što potvrđuje kako se, unatoč poteškoćama, u BiH može uspješno poslovati. Tokom plenarnoga dijela, prisutnima su prezentirana iskustva njemačkih firmi koje posluju u BiH, bosanskohercegovačkih firmi koje posluju s Njemačkim kompanijama, te trgovinska razmjena BiH i Njemačke o čemu je prezentaciju održao zamjenik ministra vanjske trgovine i ekonomskih odnosa BiH, g. Mato Franjičević. Na skupu se okupilo 50-tak njemačkih firmi, predstavnici njemačkih regionalnih ministarstava, udruženja privrednika, te diplomatski prdstavnici BiH u Njemačkoj, kantonalna ministarstva iz FBiH, udruženja privrednika i predstavnici dijaspore.

Nakon plenarnoga dijela sastanka održani su susreti i razmijenjeni kontakti s predstavnicima njemačkih kompanija koji su tražili dodatne informacije o uvjetima poslovanja u BiH, poreznoj i carinskoj politici, povlasticama za investitore, te potencijalima u sektorima infrastrukture, cestogradnje i energetike.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,
KOJE SU BESPLATNE, KONTAKTIRAJTE NAS
DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA